




VERGAT  
DE S  
PATRICIO









~~L. 449.~~

~~2240.~~

2240.

Æ. 353.

(Pièce I, Daron 1052.)

Pièce 2

Pièce 3 : [Canuti]. M. mentionné  
à la Bibl. Mazarine (Mazart et de France, Cat  
Inc. p. 757. n° 621/3). Ce n'est aucun des  
de la B.N.

Pièce 4 : Ce n'est aucun des volumes de-  
crits par M<sup>lle</sup> Pichot ou Brunet. Ce n'est  
pas non plus l'édition de la Bibl. J. de Wolfenbütel  
ni celle de G. K. 1544 et 1545.

Pièce 5 : Ce n'est aucun des volumes cités  
par Brunet IV, 49.

Pièce 6 : Ce n'est aucun des volumes cités  
par Brunet IV 580.

Pièce 7 : Bonafolia de Solen, etc.



Ce Recueil contient 1<sup>o</sup> stella Clericorum 2<sup>o</sup> La confession de frere Olivier et Marthard. 3<sup>o</sup> Remède très utile contre fièvre pestilentielleuse. 4<sup>o</sup> La Complainte douloureuse de l'ame damnée. 5<sup>o</sup> Lettre [fort singulière] du prêtre Jeak. 6<sup>o</sup> Purgatoire de St. Patrice. 7<sup>o</sup> Les paraboles de Salomon.



Unique E<sup>xv</sup> 353, p. 4.



acōplaite douloureuse  
de lame d'annee

Ant. Caillaut ou Levet







**S**y cōmence la complainte de  
lame dānee faicte a l'utilité  
et salut d'un chūn pecheur  
en la quelle sont cōtenus les  
regies q̄lle a au lit de la mort du tēps  
passe q̄lle a ēploye aux delices du mō  
de & a co<sup>9</sup> peches & non pas a penitāce  
ne a aultre biēsfaitz par quoy elle cō  
mence a entrer en desespoir Cōme la  
mort vient & prêt lame impourueue.  
Cōme les diables dient a lame qu'ilz  
la cuseront deuant dieu et q̄ point nē  
mētirōt pour la teir en desespoir Cō  
me elle voit les dyables q̄ l'attendent  
pour mener en enfer et daultre part  
son bon ange qui la bādōne & deus  
le vray iuge q̄ luy appt tout tre Cōe  
le corps est en desespoir & ēuoye lame  
auecques les dyables en enfer Cōme  
dieu luy dōne raisō pour quoy elle est  
dānee. Le proces des parens qu'ilz ont  
pour les biēs apres samort. Apres a  
monitiō salutaire pour pēser a la fi

Ly cōmence donc lame et dit.  
a ii.



**H**elas helas et plus que helas  
Se mille fois disoye helas  
Ne me pourroye asses plaider  
Ne ma tristesse faire maindre  
Car mes douleurs espouventables  
Me sôt au cueur trop estraignables  
Trop cruelles trop merueilleuses  
Trop horribles et engoisieuses  
Car moy meschante creature  
Engendree de pourriture  
Me creue seule et sans secours  
Et men voys a la mort le cours  
Sans mercy et sans esperance  
De iamaïs auoir allegeance  
Car dessus terre na personne  
Qui de mon mal secours me done  
Car mes amys et mes parens  
Qui se sont monstres apparens  
De moy amer quant dominoye  
Et esquelz grant fiance auoye  
A ce passaige dangereux  
Et a ce morcean douloureux  
Mont laisse et abandonne  
Et de tous poins congie donne



Et qui pis est quāt les pestoye  
De grans plaisirs et de grās loye  
Deris de ieux & de soulas  
Ne ma uisoiet point de ce pas  
Que passer me fault en presēt  
Dont mes douleurs me font presēt  
Mais follemēt ma compaignoiēt  
Et corps et ame enuelopoiēt  
Cōme moy ē toute folie  
Car ainsi le fol le fol lye  
Par continuelle accointance  
De tresmauluaise acoustumāce  
Helas et moy pource pecheur  
De toutes prs plain de douleur  
À qui ma vie plus touchoit  
Qua psonne qui lors viuoit  
Lors qu'on disoit que iestoie saige  
Que ne pēsoye a ce passage  
Si trescruel et si horrible  
Si espouātable & terrible  
Au moins aux pecheurs cōme moy  
Tel cōgnois et tel le voy  
Et tel le treuve creature  
Qui de peche same ne cure

a lll.



Biē le deuoyelors penser  
ymaginer & repenser  
Quant ē bonne lance estoie  
Mais apres le monde couroye  
Comē sil me fust pardurable  
Et daultre part estoit le diable  
Qui les yeulx du cueur me bādoit  
Pour moy mener ou y vouloit  
Jamais a la mort ne pēsoye  
Ne ouyr parler nē vouloye  
Et se teusse aultre veu mourir  
Loing de la meust fallu courir  
Or me boys biē assailli delle  
Et de la passion mortelle  
Comme en traison i sursault  
Helas tout le cueur mē tressault  
Ne elchapper las ne luy puis  
Ne ne scay voye ne pertuis  
Du ie puisse trouuer garēt  
Ne par amy ne par parent  
Et si me sens si assailli  
De douleur que tout suis failli  
En vertu ne en patience  
Na rien que ma douleur ne pense



Et cōme desconfit me sans  
pour ce que nay pas mis mon sās  
Daccointer dame pourueance  
Cōtre le dyable & sa meschance  
Et nay voulu mon corps offrir  
Dapprendre a paine souffrir  
Mais en delices et en ieux  
Dont apresent trop fort me deulx  
Si me fust il bien necessaire  
De penser a voye salutaire  
Car y vault mieulx tart q̄ iamaïs  
Et si ne scay se mes malfaictz  
Vouldra dieu si briefmēt remettre  
Mais en la grace men fault mettre  
Car sans la grace pis que en fers  
Men voys es tenebreux enfers  
Du bien pettitement pensoye  
Quant au mode en sancte estoie  
Car le croy que parfaictement  
Duncques le mien entendement  
Ne mys a y penser vne heure  
Et pour ce nay qui me sequeure  
Plonge suis en pēsees vaines  
Des acoustumances mondaines  
a iiii.



Et ainsi en moy deceuāt  
Lōgue vie me promettāt  
Cuidoye pēser en ma cōsciēce  
Mais mort me priēt sās desfiāce  
Sans desfiāce ne respit  
Tāt ma mort a ma vie a despīt  
Or voy ma grāt dceptiō  
Et ma tresgrāde abusīon  
Et le tēps passe gracieulx  
Que mō tresdoulx dieu glorieux  
Auoit dōne pour tout biē faire  
Ay mis ē toute heure cōtraire  
J'ay perdu tēps sās recouure  
Car qui mort est ne peult ouure  
Chose qui iamaīs biē luy face  
Ne qui les peches luy efface  
Sa poure ame hideuse et laide  
Du ira tu trouuer remede  
Courrouce as dieu & leglise  
Par quoy as pdu la frāchise  
Dōnee a toy franchement  
Pour ē faire ton sauluemē  
Et au dyable as fait seruīce  
Par ton peche et par ton vice



Que face ne quoy ne commēt  
Ne scay car du cōmandemēt  
De dieu ie nay compte tenu  
Et ainsi me suis maintenu  
En orgueil eüie et paresse  
Et en ire la tresperuerse  
En auarice de pecune  
Sans faire astinēce nulle  
Et e luxure la treshorde  
Qui hōmes & fēmes sans ordre  
Sans raison sans discretion  
Met a grande confusion  
Dont tāt consciēce me remort  
Que le remors qui tāt me mort  
Sans aultre mal est suffisant  
De moy mettre tout mort gisant  
Dont mon ame est espouētee  
Et si durement tormētee  
Quelle nose du corps safilir  
Dont souuēt me fait tressaillir  
Et trēbler & muer couleur  
Et régregier ma grant douleur  
Et daultre part tresdurement  
Elle est forcee hastiuement

a. v.



De partir de mō meschāt corps  
Ha q̄l pitié & quelz discors  
A en la dure departie  
Du lame ne scet q̄l partie  
Du biē ou mal elle pra  
Le corps scet biē qu'il pourita  
Et qu'après repiēdra sō ame  
Pour le mettre ē ioye ou ē flamme  
La ou na nul definemēt  
Et ou fin est commēcemēt  
Ha q̄lles pēsees douloureuses  
Quelles de parties piteuses  
A en ce dur de partemēt  
Que faire me fault prompte mēt  
De ce luy qui biē me vouloit  
Mō tresdoulx dieu q̄ tāt m'amolt  
Et qui tant de foyz ma tīre  
De grans perilz & retire  
A luy se leussie voulu croyre  
Mais de luy nauoye memoire  
Et longuemēt ma attēdu  
Se a luy me fuisse rēdu  
Mais biē peu de luy me challoit  
Fors a la foyz qu'il me sauluoit



Des infortunes ou festoye  
Dont quelq̃ grace luy rēdoye  
Du qui me donnoit grās richesses  
Du grās hōneurs ou grās liesse  
Que tressollēmēt despēdoye  
Et é mal vlaige mettoye  
Encores m'estoit biē aduis  
Que par mon sēs & bon aduis  
Trestout ce grant biē me venoit  
Sans pēser que dieu le donnoit  
Ainsy ay despēdu mes iours  
Nē restēt que paines & plours  
Helas se pouoye rachater  
Et biē chieremēt acheter  
Une toute seulee iournee  
De ma malle vie passée  
Quelz promesses & veur feroye  
Et de biē bon cueur les tiēdroye  
De biē tost faire penitance  
Et de la prēdre en paciēce  
De fuir le monde peruers  
Et de supplier dieu par vers  
De mes heures de mō plaultier  
Et faire offrendes a l'autier



Du le saint sacremēt respōse  
Jamays ne feroye aultre chose  
Aumōsnes de miséricorde  
Qui oste la misere & corde  
Dont le dyable ma fait lier  
Feroye pour moy deslier  
Ma chair mettroye sans fiction  
Bie bas par grande affliction  
Et au dyable feroye grant honte  
Car de luy ne tiēdroye cōpte  
Mais quant ie pēse au lōg tēps  
De vīngt de trēte soixante ans  
Que dieu ma donne e ma vie  
Du ie nay nē tout nē partie  
Fait bie aumoins q̄ bie peu vaille  
Et maintenāt le dieu me baille  
Vng iour ainsi que le demande  
Bie petite seroit la mēde  
Pour qlqū bie quē vng iour face  
Se non q̄ par pitié efface  
De pure grace mes peches  
Dont long tēps ie suis étaches  
Et pour ma volūte offerte  
Sans y querir aultre desterte



Meulx meust valu ieune finer  
Que aïlî ma vie defuier  
plus ay vescu plus suis charge  
Car mes maulx ay multiplie  
Et plus suis charge de malfaiz  
Et plus grant trouueray le fais  
fole est qui demande viellesse  
Se nō qua biē faire la dresse  
Du iay pēse petitemēt  
Dout me va douloureusement  
Car mes pēlers ont este vains  
De toutes mondanites plais  
Biē est maudit qui est au mōde  
Qui ne fait lame nette i mōde  
Or suis au terrible danger  
Du ie ne me puis renāgier  
Hay si tressouef mō corps nourri  
Quan ay fait vng tislō pouurri  
Dēfer qui ne desirera  
Ne iamaïs a la fin npra  
Que mauditz soiēt les soulas  
Du mōde dōt ie suis es las  
poureulx suis ē grāde meschance  
Se la diuine prouidence



Ne pouruoye a mon poure faict  
Sans regarder a mô malfaict  
Aultremēt ie pers moy & dieu  
Ne iamaïs nyray en cesteu  
Ou est paix sans diuision  
Et la tresdoulce manison  
De dieu & de ses saints & sâictes  
Et ou âgelz font loye maintes  
Par tresdoulce voyt de louège  
La nra ange ne archange  
Qui ne loue dieu & marie  
Qui de dieu est mere & amye  
Charite y est si commune  
Quel est a trestous comme vne  
Par vraye amour qui les assēble  
Ainsi louēt dieu trestous ensēble  
Et ie me treuve en tel dangier  
Que ie voys ma vie abregier  
Et mon iuge prest et present  
Auquel ne puis faire presēt  
De chose ou il nait desplaisir  
Car oncques ne feîz son plaisir  
Or voî mes tormens efforce  
Et mes douleurs mame force



Desaillir de mon meschant corps  
Ha que ie souffert grans effors  
plus nen puis nature me fault  
Et ma douleur trop fort massault  
Je pers mon sens & mon scauoir  
Ma puissance & mon pouair  
Et mes vertus de corps & d'ame  
Et ne scay plus que ie reclame  
Ma langue me tiét au palais  
Et nay puissance desormais  
De plus parler mon vis pallist  
La peau sestrese & iaunist  
Mes deux yeulx se vont chancelant  
Et ma veue se va tréblant  
Mes leures aussi sont retraïtes  
Et se sont loing de mes des traittes  
Mon nez estouppe les conduitz  
plus nay pour allener pertuis  
Ma bouche aplatist & estrese  
De grant douleur de grāt destrese  
Ma gorge escume de douleur  
De ma bouche sault grāt pueur  
Mes nerfz commécēt a derompre  
Et mes boïnes de douleur rompre



Ma poſterine ſe ſoubz lieue  
Je congnois que ma vie eſt bricue  
Pour le cuer qui enfler ſe veult  
Pour la douleur ou il ſe deult  
Toute ma chair fremiſt et ſue  
Et de douleur tremble et treſſue  
Mes mēbres ſont tous confundus  
Et ſont fors les os tous fundus  
Et mon ventre ioinct a mon dos  
N'ya entre deux que les os  
Et n'ya vne ſeule vaine  
En mon poure corps qui ſoit ſaine  
Je nay ſang qui vie me donne  
Ainſi nature m'abandonne  
En cōmencant ma diſcipline  
Mon poulz ſe pert ma vie deſcline  
L'amort m'aſſault de fort en fort  
Helas helas quel deſconfort  
Quelz gemiſſemēs et quelz plains  
Feraige car en tous mes plains  
Me treuve de reconfort vuide  
Nen ce chemin ne treuve guide  
Ne compaignō ne compaignie  
Qui me ſuyuiſt toiſe et demye



pour quelque chose q̃ feiz oncques  
Helas et que feraige doncques  
Que nayge eu deuant mes yeulx  
Le miroir des ieunes et bienlx  
Lors que en sante au monde estoie  
Qui meust fait tirer droite voye  
Et maintenant my fault myrer  
Et tous mes pechiez remyrer  
Ha mort ie ne pensoye pas  
Que si tost tumbasse en tes las  
point ne congnoissoye la sequelle  
Si douloureuse et si cruelle  
Comme maintenant ie la voye  
Ha cest bien tart car i apercoys  
Mon tres piteus definement  
Jay este trompe finement  
Et par bien mauuaise finesse  
Las ie congnois bien quel fin est ce  
De viure sans aucun bien faire  
Helas ce nest pas a refaire  
Le mal quay fait me demourra  
Et mon meschant corps se mourra  
Et demourra viande a vers  
Gisant a terre tout enuers



Et la pource ame douloureuse  
A son auenture piteuse  
Va et voit les plaisirs passes  
Si legieremēt trespases  
Cōme vne bouffee de vent  
Car les plaisirs passes deuant  
Au regart de eternalite  
Du de la perpetuite  
Du y fauldra quelle demeure  
Cent mil ans ne luy sōt vne heure  
Mame voit present les malfaitz  
En ditz en pensee et en faitz.  
Et toutes les iniquites.  
Dōt ame & corps ne sont quittes  
Et de les nuier bien s'esforce  
Mais a grans cris et a grant force  
Luy respndēt biē rudement  
**D**euant ton iuge qui ne ment  
Rapporterons sans en mentir  
Dōt ne nous saroyz desmentir  
De ta vie meschante et folle  
Qui par le mōde court et volle  
Et comment d'amonicion  
Que dieu par inspiration



De ton ange & les docteurs  
Et de les notables precheurs  
Ainsi que les ames resueille  
Le doulx saulueur et les esueille  
Pour tout bien faire en veillant  
Et pour ce les va resueillant  
Mais lors qui de ce te parloit.  
Fol estoit tout rien ny valoit  
Car en pechie tes endormye  
Pour ce ton iuge ne doit mpe  
Qui te fera vray iugement.  
Ne crois pas que tel iugement.  
Ne pour toy ia nen metrons  
Mais verite nous luy dirons  
Et ta cuserons loyaument  
En ce que tres desloyaument  
As fait cōtre sa volonte.  
Et peche contre sa bonte  
Car se tu voys bien e ton fait  
En riē qui soit ne ta meffait  
Mais pour bien mal luy as rendu  
Ainsi as ton temps despēdu  
De la pure grace ta cree  
Et puis apres regeneree



Raconter les grans passions  
Les tourmens et afflictions  
Qu'il a eu pour toy rachater  
Et des mains du deable getter  
Nest langue qui bien lescent dire  
Toute sa vie fust martire  
Car en sa chair des son enfance  
Tousiours a souffert penitance  
Et la fin qui est si cruelle  
Qu'il a voulu endurer telle  
Affin que fusses heritiere  
De son royaume et parionniere  
Auecques les glorieux angelz  
Apostres martirs et archangelz  
Se nous mentons si nous reprens  
Et le bien as fait si le prens  
Car ainsi ta compaignerons  
Et compaignie te ferons  
Car nous tauons tousiours hantee  
Et scauons que tu tes tentee  
Toy mesmes pour ton peche faire  
Et dirons trestout ton affaire  
Les lieux et les circonstances  
Du tu as pechie par plaissances



Et dirons ce que farons dire  
De tes maux pour pl<sup>9</sup> fort te nuire  
Car nous sommes tes égédreuses  
Etia nous ne serons méteuses  
Nous te ferons du goust tater  
Acy sommes pour toy haster  
Sault du corps sans faire demeure  
Car icy nas qui te sequeure  
**C**helas pouure ame douloureuse  
De toutes douleurs égoisseuse  
Bié l'indray du corps a grāt peine  
pour tousiours souffrir mal & paine  
Las moy mesmes me suis damnee  
Et le la sētēce est donnee  
Contre moy braymēt cest raison  
Car iamais ne quis achoison  
De laisser le mal pour le biē  
Nonques ne craigny le lien  
De peche dont ie suis es las  
Des crueulx enemys helas  
Plus cuide rapaiser mes plains  
Et plus de douleur me cōplais  
Plus vois auāt & pis me treuve  
Et plus mō meschef se descueure

b.i.



Jay peche de propre science  
Contre remors de consciēce  
Jay le saint esperit contredit  
Guereoye en fait & en dit  
Toutesfoys qua mō cuer frappoit  
Et que épelcher le vouloit  
De faire mes plaïsā folliēs  
Et mener mes mauuaïses bïes  
La grace dieu me suis tollue  
Dōt plusieurs foys ma reuestue  
Et de hors de moy lay boutee  
Et a mon pouoir reboutee  
Mō bō āge pour moy mouuoïr  
Adieu seruir a fait deuoïr  
Deuoïr & toute diligence  
Mais la paine a perdue en ce  
Jay espouētēmēs terribles  
Helas ie voy choses horribles  
Horribles & trop merueilleuses  
Car ie voy les bestes crueuses  
Les dyables dēfer en tour moy  
Je les voy et les appersoy  
Icy tout étour de mon lit  
Qu'ilz ont loye et delit



De penser que ceste iournee  
Maront pour estre tormétee  
Ilz criét et fort me menassent  
Na nulle aultre chose ne brassét  
Qua mauoir pour moy deuorer  
Me faire entēdre et sauouer  
Que iay gaigne a les seruir  
Et a leurs graces desseruir  
Je voy leurs faces treshideuses  
Et leurs figures merueilleuses  
Qua peu que nē sault hors du sēs  
Car ie me treuve seule & sās  
Amy ne priue ne estrange

**H**elas ie voy la mon bon âge  
Qui piteusement me regarde  
Pour ce que ôcques pour la garde  
Ne may voulu de mal garder  
Las il ne me peult regarder  
Trop me fait estrāge rēstāt  
Comme celui qui na regart  
Amoy ne ne me gardera  
Et iamaïs ne regardera  
Helas & lors ou regardoye  
Quāt son vouloir biē ne gardoye

b.ii.



Enpres mō lit aultre garde ay  
Petitemēt y regarday  
Dōt ie suis formēt a repiēdre  
Lar qui mal chaste mal doit piēdre  
Pour ce mon āge mabādonne  
Sās qung tout seul qfort me cōne  
Et me laisse amon auēture  
Sās la mais de moy piēdre cure  
Es mais de ceulx q ie seruoie  
Quāt au mōde ē peche viuoie  
Las ie voy de Ius moy mō iuge  
Du ie deusse auoir mō refuge  
Se fülle tel que iedenlle estre  
Lestoit mō demeure t mon estre  
Et moy mesmes mē suis tollu  
Pour ce que obeir nay voulu  
A faire les cōmandemens  
Dont ie souffreray grās tormēs  
Sa face m'appert comme icee  
Et si la contre moy vice  
Comme celuy qui a talent  
De me mōstrer son mal talēt  
Pour quoy me sēs ē grāt doubtaēce  
Da noir dure t iuste sētence



Car longuemēt ma attēdu  
Sans que aluy me soye rēdu  
Et plus longuemēt mattēdoit  
Et plus ma vie empiroit  
Plus a este longue lattēte  
Et plus longue sera lamēde  
Son regart mesfroye formēt  
Et mespouēte malemēt  
Car chere me mōstre crueuse  
Et par sēblāt biē rigoureuse  
Sa sētēce espouantable  
Et son iugemēt importable  
porter me fault car ie ne puis  
luy eschaper ⁊ si ne truis  
Conseil fors qua crier ⁊ braire  
Car de plaïdre ne me puis taire  
O com tresamere sētēce  
De la diuine prouidēce  
Du il na appellatōn  
faïcte ne prestatōn  
Ne excusatōn qui vaille  
La bruller me fault cōme paille  
Du fort feu se boute ⁊ espiēt  
Las fol ne croit iusques il piēt

b.iii.



En enfer tousiours demourray  
Et e mourât point ne mourray  
Je souffreray sâs mort souffrir  
Ne nul ne me viêdra offrir  
Allege mêt de ma souffrance  
Pire est le feu que souffre en ce  
Car iamaïs ce feu ne sestaint  
Et plus bruller i mois se faine  
Dardoir i bruller poures ames  
par la chaleur i p les flammes  
Qui portera ceste sêtence  
Helas qui ara patience  
De la souffrir i endurer  
puis quẽ defaillant fault durer  
Et durer sans iamaïs faillir  
Ne sâs iamaïs de duenl saillir  
Et qui de douleur est recreu  
Il nẽ est escoute ne creu  
Mais luy va lon son mal croissant  
Et le battât i le froissant  
Nul qui y soit nya confort  
Car iamaïs nya reconfort  
Ne appel ne iour ne respit  
Et qui a son mal en despit



pour despit moins on le respue  
Car charite poit ny habite  
Ne la vertu de patience  
Ne da legement esperance  
Tout mal yest e desespoir  
Sas iama is auoir aultre espoir  
Las que iedureray demaulx  
Et ie voy icy les bourreaux  
Qui enraget de mattrapper  
pour sur moy ferir & frapper  
Daultre pt voy hommes & femes  
parmy ces feux pmy ces flames  
Ceulx avecqz qui ie pechoye  
Quat au monde e folie estoie  
Qui me vienent acompaigner  
Eten leurs bains boillans baiguer  
De serpes & de crapauls plains  
Qui leur rongent & pies & mais  
Et nez & oreilles & yeulx  
Sas q plone e soit piteux  
Et tousiours setet puantie  
Car leur luxure enuellié  
Et aultres peches sas mesure  
leur fait auoir ceste pointure

b. llll.



Ne iamaïs ne voïrôt clarte  
Et de douleur naronc charte  
Tousiours braïrôt p desespoir  
E de plorer naronc pouoir  
Tousiours sur le poit de finer  
Serôt lās iamaïs defïne  
En ce cruel horrible lieu  
Mauldit & diffame de dieu  
Des dyables & ames damnees  
Qui sont atelles destinees  
Que iamaïs q̄ mal ne feronc  
Et tousiours ē ce point serôt  
Tousiours ya douleur nouuelle  
Et tāt q̄ lon ne scet laq̄lle  
Et la plus aspre est la pire  
Et tousiours aray ce martire  
Or mauldit soit le meschāt mōde  
Puis quil cōutēt q̄ p luy fonde  
Es puis des enfers crueulx  
Horribles puans tenebreulx  
Helas pour quoy futz ôcq̄z nee  
Ne de dieu faicte ne cree  
Pour auoir telle affliction  
De douleur sans remission



Helas poure hōme que diray  
Mon ame tousiours mauld'iray  
Car par son faulx gouuernemēt  
Me fault apres elle en tourmēt  
Aller n'ya nul qui men garde  
Ne seurte ne saulue garde  
Je sēs tāt de mal & dangoisse  
Que tout le cueur me ront & froisse  
He mōtaignes sur moy tombes  
Et me froisses & me rompes  
Et ne mettes a cop soubz terre  
Qui la me mussē & enserre  
Et que mō iuge plus ne voye  
Affin quen desespoir ne soye  
Car il se mōstre si crueur  
Vers moy & si tresmal piteux  
Si espouētable terrible  
Et la face si tres horrible  
Que ie voudroye estre fondu  
Et de grant douleur confundu  
Affin quau mōde ne portasse  
Plus de douleur ne endurasse  
Et que les roches me mussassēt  
Et de grant douleur me tirassēt



Las que me valét, maintenant  
Les grās hōneurs & les bonbant  
Que souloye au mōde mener  
Et laioye q̄ demener  
Faisloye a mes cōpaignons  
Tout ne me vault pas deux oīgnōs  
Qu'il sōt mes bagues & loyaux  
Mes bles mes vīs a grās mōceaulx  
Qu'il sōt mes robes de fins draps  
Cy demourrōt & tu fauldras  
Qu'il sōt mes richesses boutees  
Qui ne me vallet troyz tostres  
Dōt te vouldroye auoir foylon  
Sās droit sās rīme sans raison  
A ce nay pas pense souciēt  
Tout sē est alle comme vent  
Et p̄ trespas aussi lōdains  
Car de trestous les b̄tēs mōdais  
Ne me demeure q̄ douleurs  
Grās gemitēmēs & grans pleurs  
Vīe me deuoye ēgreuer  
Et les bōs morceaulx approcher  
De moy sans faire abstinēce  
Pour faire de mō corps pītance



Aux vers & au dyable plaisir  
Quitât ma fait de desplaisir  
Et au dervier luy redre mame  
Pour mettre e sacruelle flame  
Qui deuoit estre presêtee  
Des âgelz & es cieulx leuee  
En paradis deuât son dieu  
La estoit ordonne son lieu  
Deuât sō dieu son tresdoulx pere  
Qui pour luy souffrit mort amere  
En la cōpaignie des saints  
Qui de toutes ioye sōt plains  
**O**u va la iene lose dire  
En enfer a cruel martire  
En hayne de dieu & des siēs  
Dōt comme forcene deuiens  
Je le voullisse retenir  
Mais iene la puis plus tenir  
Elle sauldra p grant destresse  
Delle idemoy en tristesse  
Vccy les labourens qui lattêdēt  
Et les croches vers elle tēdēt  
Pour la meuer en grāt doleur  
En leur maison ou na q̄ horreur



Si me fault taire maintenant  
Car i apercoy biē cleremēt  
Que cest trop tart d auoir porueu  
A mon fait i tart lay congneu  
Sēs nay q̄ de tous poīs ne faille  
Et nay repentēce qui vaille  
Ne esperāce qui me profite  
De foy de charite luy s vuyde  
Ainsi de ma mauuaise vie  
Mauuaise mort est eūuēe

**D**ieu ple i dit  
Je tay cree i regenerēce  
Et de mon s̄ag tay rachatee  
Et tu as le dyable serui  
Dias ce que as de serui

**L**e dyable ple i dit  
Auant auāt auances vous  
Pour vo<sup>r</sup> galler auec q̄z nous  
Icy sommes pour vous poyer  
De vo<sup>r</sup> seruices le loyer  
Regarde cy tes grans peches  
Dont tu es plain et entaches  
Rien ne te vauldroit repentance  
N auoir en dieu foy ne sperance



**¶** Les ames damnees  
Auecques nous vous baignerres  
Icy et accompaignerres  
pour ce que no<sup>s</sup> accōpaignates  
Du peche ou vous vo<sup>s</sup> baignates

**¶** Le bon ange du damne  
Ha poure homme se meusse creu  
Au dâgier ne feusses pas cheu  
Du se te voy dōt me desplaist  
plus ny van't parolle ne plaist

**¶** Les parés du malade  
Mort est ny a plus que pēser  
Et de ce nous fault auācer  
De partir meuble i heritaige  
Et que chacun ait son partaige

**¶** L'acteur  
Sir ouz priez es bon amys  
puis quau mōde dieu vous a mis  
Encores en bonne sante  
faites pour dieu des biēs plante  
Et nattendes point a demain  
Vous qui auez cuer i corps sain  
Car en vous na demain ne heure  
Ou vous soyes seur de deure



Vostre demeure est vng trespas  
Qui se va plus tost que le pas  
Nattēdes pas la mort soudaine  
Car a mourir a si grāt paine  
De gemissemēs et de pleurs  
Que lon nētēt qua les douleurs  
Les dyables dūg coste tormētēt  
Et les amys daultre demandēt  
La maladie trop fort point  
Ainsi le malade na point  
De repos ne de allegeance  
Si a petite repentance  
Si nō q̄ dieu par son pouoir  
Quil a avecques le vouloir  
De sauluer trestous les pecheurs  
Mais qua luy retournēt en pleurs  
Et en pfaicte repentance  
De cueur ⁊ en grāt desplaissance  
Avecques ferme ⁊ bon couraige  
De iamaïs nētrer en lusaige  
De peche qui gette les ames  
Au feu dēfer et en les flammes  
Luy face p son grant pardon  
De misericorde le don



Mais cest chose biē dāgereuse  
Dattēdre la fin perilleuse  
On peult mourir soudainemēt  
Du nauoir point dentēdemēt  
Et estre priue de parolle  
Comme beste muet & folle  
Et pour ce se vous estes saige  
Pour dieu nattēdes ce passaige  
Ayez pure confession  
Et en cuer grāt deuotion  
Repēlance ferme & estable  
Et satisfation valable  
Regordes biē a vostre fait  
Ou auez contre dieu meffait  
Vo<sup>r</sup> iugēt deuāt quil vo<sup>r</sup> iuge  
Graces rēdāt au hault iuge  
Et priant q̄ beugnēmēt  
Bon soit pour vous son iugemēt  
Enuuy n'ayes de penitāce  
Laquelle sera la cheuāce  
Du le tresor que trouueres  
Tantost apres que fineres



**finis**



cm 1 2 3 4 5 6 7 8 9 10 11 12 13 14 15




Handwritten text in a cursive script, likely in a historical or foreign language. The text is arranged in several lines, with some words appearing to be in a different script or dialect. The ink is dark and the handwriting is somewhat slanted.

Small handwritten word or signature at the bottom center of the page.











1413.



